



9

T 5344/4512







交陽集卷第二十四

哈佛大學漢和
圖書館珍藏印

宋司徒太師侍中上柱國尚書令忠獻魏王韓琦
明少傅兼太子太傅吏部尚書武英殿大學士郭朴校
表狀

代三司謝賜內藏庫紬絹表

臣某等言准中書門下牒今日八月八日詔勅伏蒙
聖慈於內藏庫特支撥紬絹二百萬疋賜三司
者禁財中發實出於上仁邦計外充蓋無於私
積恩頒下及慶悚交深中謝竊以乘用之宜事
歸司會經費之度咸出縣官惟賦調之有常或

荒災而致乏爰崇上術允屬熙辰恭惟

皇帝陛下執粹凝圖寶慈敦治茂輯寧人之務
精窮觀化之原修八政以厚生遐稽往詰愛十
家而興儉夏軼前徽式是先猷存諸內府量彼
地征之入收其歲取之餘非主羨贏本期均節
向以農疇失稔聖慮通權荐捐國帑之珍俾濟
公家之急故得高穹監善協氣開祥坐還富庶
之風允洽登平之望而猶豐凶在念損益求中
戒牟利以傷苛貴寬民而與足誕宣優詔垂宥
攸司載蠲繒帛之饒更助歲時之給仰出綸之

施惠在罄宇以蒙休臣等備位天臺尸官計部
秋豪析利罕詳經世之謀春澤流且徒樂阜民
之化敢不增研心畫祇佩官箴彌修庶謹之方
益究懋遷之理異陳薄效少答漏私臣無任

謝知制誥表

臣某言伏奉制命特授臣依前起居舍人知制
誥者青蒲獻議曾微補衮之勤黃閣程文俄玷
演綸之任省讞材之無狀顧成命之已行荷寵
兼常撫躬增厲中謝竊以禁局清切居官為榮
帝制坦明作訓攸重向匪機靈敏給才辯高竒

善循四禁之規雅擅一時之譽則何以徇期近
掖宣暢鴻猷雍容侍從之聯振復典謨之體宜
甄時望以協朝僉如臣者緒迹至孤器姿無取
幼奉楹書之誨早親童蒙之工幸對聖期復玷
辭等藩條關决罔詳施教之宜儒館並游寢被
育材之化擢贊尹京之治易參司會之煩首公
則勞稽效誠寡庖錄不振莫彰批窳之能阮族
甚貧遂有出塵之志輒罄孤章之請方諧爲郡
之行伏遇

皇帝陛下開道求言勵精修政俾停使竹之授
留責諫囊之忠越被恩升力思毗益每弗虞於
禁忌始自竭於愚驚物論皆危天意無忤建歲
勞之三易微亢見之一長豈謂聖度包荒宸襟
采善俾泐科選之舊進居辭職之崇躍龍鳳之
池吸塵清貫漸鴻鸞之黨榮則龍班敢不磨鏡
忘疲修方匪懈誥令之出勉追深厚之風名節
所持靡蹈諛邪之徑庶盡捐軀之報仰酬當宸
之仁臣無任

謝降御前劄子表

臣某言遞中降到御前劄子二道伏蒙聖慈以

近爲賊犯渭州山外亡失生將與狀待罪許臣
別圖來效以刷前恥者敗軍有法本不期貸責
效以恕使得盡死中謝伏念臣識暗經遠才屈
任重偶以童蒙末技優竊科等幸遇天下無事
方垂徹警專修俗吏之業罕究兵家之學屬以
无落背惠王師與伐朝廷用不求備俾參西略
臣自念狂賊桀驁邊民被毒人無愚知奮身願
效况臣粗識忠義能不憤激故受命引道無敢
固辭赴職已來朝計夕慮思有所立上寬聖懷
以至馳奏廷中方授成筭還趨塞上亟整師屯

而兇渠併兵親犯隴外臣素料其至先集衆軍
猶慮勢分遣其齊進不謂諸將恃勇致此敗覆
雖指縱可驗似不媿心而職事有隳理當請罪
伏蒙

皇帝陛下燭幽垂察含垢示慈謂李廣數奇非
由失計孟明三敗終能贖過荐頒溫詔許竭後
勤臣敢不嘗膽以思枕戈自勵劇寇尚在豈還
朝之可期素志未伸庶捐驅而後已臣無任

謝復官表

臣某言九月二十七日樞密院遞到告敕各一

道伏蒙聖慈授臣起居舍人者謀軍而敗獲罪
當然使過以恩勸功斯在寵光所暨媿慄無從
中謝伏念臣稟賦庸庸緒迹寒替偶緣末學誤
中甲科驟歷榮階繼塵劇任奉身以直居職惟
公逐巧者目爲愚夫養高者謂之俗吏出於聖
監擢備諫員荷寵旣深獻誠必盡屢刺權豪之
失不虞家族之危仰恃含容僅逃放逐建易官
於注筆旋書命於詞垣自右蜀告饑高奴覆將
荐驅使傳親諭國靈有利輒言無疵不去所期
還闕少逖息肩朝廷以未殄賊巢方開師府進

預樞機之直俾參經畫之權雖兵旅之宜素非
習練而人臣之節當冒險艱拜命引塗忘軀徇
難周旋邊徼蒙犯雪霜薦賞武材則罷懦者皆
忌激揚忠憤則苟且者如讐一昨平涼之西酋
虜來寇臣聚師以待定謀而行偏校爭先弗導
於節度衆寡莫敵終及於撓亡讒胥競搖怨府
交發諍臣論事亦謂當誅宸眷念勤獨明非謬
止從削秩尚委典城惟茲天水之雄式控隴關
之要氏羌雜處輿賦甚繁臣寢不及時食忘其
味力圖後效勉贖前辜重裘禦寒姑自修而作

誠積毀銷骨實衆口之未平不謂睿聽通微宸襟錄舊特申昭洗亟復舊聯顧最質之再生諒煩言之寢弭斯蓋伏遇

皇帝陛下體天育物以器任人謂獵犬無功匪自指縱之誤覆盆委照遠開日月之明庶令負釁之臣得遂棄瑕之用敢不精研策慮謹布教條明斥埃以謹邊勵貔貅而禦侮收桑榆之末或振翼之可期竭犬馬之誠誓填壑之爲報臣無在

謝轉官充秦鳳路經略安撫招討使表

十月二十日

臣竊特授臣尚書禮部郎中依前充樞密直學士知秦州兼秦隴州鳳翔府階成州路馬步軍都部署兼經略安撫沿邊招討等使者秩進儀曹任專闡寄寵靈不次震慄無從中謝伏念臣稟識至卑賦才甚短早緣薄技濫竊雋科亟踐顯塗力陳拙效徒能辨職本不知兵屬羌落之背恩命王師而興伐俾參戎略猥貳帥權慙無制勝之謀終抵敗軍之罪貶官以勸尚獲保邊乘障盡勤遠叨復職方思策勵少謝矜全豈謂

安陽集卷之二十一
六
廟筭更張塞垣分制重遷官次增峻使名荷委
注之至優懼虛辱之不振此盖伏遇

皇帝陛下本仁御俗貴恕使臣謂駑蹇之材或
期於遠到庶朴忠之節可責於後圖遂此甄升
許其輸盡謹當博訪碩畫講求善經明賞罰以
御軍濟恩威而撫俗興樹治埃之績仰酬旒宸
之私

謝改觀察使表

臣某言今日九月九日樞密院遞到告勅各一道伏
蒙聖慈授臣前件官者當兵旅之任姑欲正名

什廉察之權誠非稱職被恩不次以榮爲憂中
謝竊以帥十國而爲連盖資屏翰長萬夫而觀
政宜拔英豪儻容濫居曷濟國事伏念臣以儒
承業以文干用偶預僑選擢亞舉首恥緣科級
坐取貴塗凡隸官曹絕去苟且以至參京邑之
劇贊泉刀之繁諫署竭愚詞掖書命處身必以
其道出言不敢及私心切愛君遂忘於已禍性
專任直弗虞於衆嫉屢犯禁忌久當放流時人
甚危聖意彌簡而自凶渠背惠西府置官不圖
妄庸亦備推擇驟進直於樞府俾參畫於戎事

夙夜以報庶揚天聲偏佐之專卒墮虜計尚徒
邊而薄罪徒補過以盡勤惟秦之雄爲塞其重
控制六郡羈屬雜羌旁扼寇衝俯臨關要臣但
能招懷種落訓戢營屯起城壘以安人平獄市
而清訟斥候斯謹備豫必周爲術固踈責實安
在朝廷旣已遷復官次增重使名臣之非才大
越涯分不謂荐膺異數益峻寵階卽爲治之本
邦委觀風之茂寄私門胥慰物論稱優此蓋伏
遇

皇帝陛下若古宣猷宜人聞化究弛張之大體

恢綏御之遠略致茲頑朽繼荷采甄重念臣素
匪將家早塵詞等平進之漸往式具存誠以疆
鄙未安忠憤攸激力冒艱險志平僭狂顧軀命
之可捐豈資品之爲較奪鳳池而不賀前哲堪
嗤刺貂庭之無功群言是恤惟祿廩之加厚非
寒素之所貪敢不精練武經日求勝筭指縱加
審扞防必嚴與賊俱全是焉深愧爲贈等伍烏
敢自羞或稍著於微勞願特還於舊物誓堅死
節仰答宸私臣無任

謝賜詔書示諭表

臣某言樞密院遞到詔書一道伏蒙聖慈諭臣
已除本州觀察使且從廩秩之憂益慰戎行之
望者成命之行庶乎開曉溫言以及賁若龍光
惟素志之所存懼清衷之未悉敢茲陳露良切
震兢中謝伏念臣早以藝文妄干祿仕幸遇
皇帝陛下首臨軒陛優擢科名序進之階前規
盡在而臣乃情吏事盡力公家自結聖知了無
私援一昨羌酋背義帥府湏才誤置選中即馳
塞下經晝遷徙通踰三碁爲國之謀固無云補
正臣之分亦用傾竭曷庸督護之任已明委注

之隆不期霈恩又出非望驟易樞廷之直俾公
連帥之權臣授寵無名撫躬自度不敢遠稽典
故上瀆睿聰竊記陛下纂極以來此例甚少李
維李士衡以老疾榮俸陳堯咨以侈性尚豪並
遭遇承平各充其欲故議者惜臣茲授謂匪美
遷臣但以處不避污事上之節讓而就賤守道
之常當朝廷憂邊之秋非臣下擇官之日辭之
則有可疑之迹掇希求進用之嫌授之則有從
權之名協軍旅稱呼之便况國家推公與治任
人有次必不令臣永沉武列老於疆垂或薄效

之可甄宜舊物之來復臣是以難於拒免泰然
居職今承詔諭之意專示廩秩之優緣臣清白
奉身出於門法豈牽豢養之厚自損名節之高
茲爲伍於冗流異同心於外禦伏望

皇帝陛下考勸功之法御知臣之明察臣其去
近聯主於恭順謂臣即當重祿靡在貪饕儻一
辨於愚誠誓愈堅於忠報臣無任

辭免諫議大夫表

臣某言今日九日三班借職趙九臯賁到官告
勅各一道伏蒙聖慈授臣樞密直學士右諫

議大夫者萬樞之府更直爲榮七諍之班在
惟重厠舊聯而甚寵當新秩以無名理有未
讓非敢飾中謝伏念臣早繇孤直誤記聖衷
幹米鹽之煩本無軍旅之學而自勉膺中詔來
捍西垂三載于茲寸功莫就雖天仁所覆姑務
貸全而疆事不修何施面目惟狗忘身之節絕
萌干進之心向奉制函就更廉印從權爲便稱
職誠非辭避靡諧塵竊增愧一昨寇侵隣道移
督援師徒號萬兵之行無及一毫之助遂使國
威重挫虜氣益驕蓋臣不能乘間襲歸應機取

勝上軫肝宵之慮合從斧鉞之誅豈謂伏蒙
皇帝陛下過采虛聲亟申褒典顧敗軍之若是
豈行賞之爲宜執可自欺固有公議重念臣爰
從郎署獲改使名幸近職之已還與前官之并
授儻加異數實紊彝章伏望

皇帝陛下念邊鄙之未寧謂沮勸之當謹止復
禮曹之命特停諫省之遷如此則犄角禦戎更
求於實效糜捐報國益勵於愚衷其所賜告勅
臣未敢進納干冒旒冕臣無任

涇州謝差中使宣諭表

臣某言今日九日入內內侍省内侍殿頭李允
亨至伏蒙聖慈傳宣爲日近差除兩地臣僚未
差除間已指揮中書劄記候將來邊事稍寧詔
卿用在兩地非擬議亦非臣僚奏舉特出朕意
宣諭卿知兼令臣密舉臣僚代臣邊任者聖眷
持深將圖不次之用臣愚屢省竊懷失職之憂
於義當陳斯言敢妄中謝伏念臣西畫疆事于
今累年雖勵敢爲之心曾微必勝之效偏裨失
律既有罪而不誅援助發兵復無功而被賞尚
昇中權之峻仍兼四路之崇恩重報輕任隆材

謝捐軀以義乃身膏瓜斧之秋歸闕何顏絕生
入玉關之望豈謂伏蒙

皇帝陛下仁惟及遠道本推公因弼臣拜命之
初念窮塞宣勞之久密加寵諭前許近司斷自
清衷不緣它議顧蒙鄙之榮而良厚於國家之
慮則非長蓋以逆昊約和未分誠詐宿師經戰
僅起瘡痍臣與范仲淹日極謀惟粗詳方略願
少寬於銜勒得自竭於歲時庶能施尺寸之勤
上以副朝廷之寄如其禦戎無狀曠日爲虞則
乞擇材傑之臣使之爲代明竄殛之典以警在

臣不敢先自舉官涉于希進唯幸高明之
鈞俯務切至之誠臣無任

賀皇子降生表

臣某言伏覩進奏院報皇子降生者穹昊垂休
元良載誕累盛之期增赫重暉之采采光凡在
幅員率同慶躍中謝伏以

皇帝陛下睿明正統兢翼凝猷紹三后之不基
覽八統之洪緒旰宵求治勤儉化民果聖嗣之
寢昌示濬源之滋衍吹銅導氣式協於嘉辰蔭
胄從師卽成於懿德永扶天業克耀儲闈臣恪

守窮邊竊聆熙事預班朝之列莫趨交戟之嚴
輸就日之誠徒效傾葵之意臣伏限官守在遠
不獲蹈舞闕庭臣無任

遷葬求郡謝賜批荅不允表

臣某言伏蒙聖慈以臣上表陳乞知相州或近
鄉里一郡躬親營獲墳域特降詔旨不允許臣
襄宅有期卽當暫往者請郡以奉先塋雖違素
願賜告以護親葬亦示優恩粗安人子之誠特
出聖宸之惠中謝伏念臣曩繇睿選擢貳樞庭
方圖報以盡勤敢求安而自逸蓋以早從推戴

二親則亡暨竊榮階諸兄繼謝比緣西華久在
兵間顧封樹之未諧每肺肝之如割逮塵重任
正偶利年尋得地於故鄉已消辰於遠日臣嘗
私自省度至于再三視轎車而弗親行實孝心
之不忍處近位而求便倣必物議之有云與其
貪寵以抑情孰若避賢而申志是以輒由衷而
露奏異解職以爲藩豈謂伏蒙

皇帝陛下念進退之匪輕欲公私之克濟曲頒
綸詔親諭玉音俾襄事之如期卽馳騶而暫往
感深存歿榮耀措紳敢不砥節愈堅挺身思奮

安陽集卷之二十三
十一
他人之憚行者臣不憚他人之難言者臣必言
儻犬馬之未先誓糜捐而無避臣無任

安陽集卷第二十四畢

安陽集卷第二十五

宋司徒太師侍中上柱國尚書令忠獻魏王韓琦著
明少傅兼太子太傅吏部尚書武英殿大學士郭朴校
表狀

揚州謝上表

臣某言伏蒙聖恩授臣資政殿學士知揚州事
已於四月五日到任上訖臣繆參樞筦無補盛
明人言已騰君量猶恕秘殿之資甚寵廣陵之
寄絕優過爾被恩得無懷媿中謝伏念臣朴忠
守道天賦難移孤直任真聖知有素常以親逢

亨運早則清塗不宜因循以負驅策屢膺煩劇
之任偶逃罷軟之譏自元昊僭狂西垂震動乃
承人之荐領帥權雖無成功實盡死節不意曲
矜久次擢忝近司固讓莫諧竭愚思效凡陳鄙
議皆出至誠慮邊計則冒明黨之疑斷國論則
恥依阿之說會儉人之肆忿窺時事以興誣妄
從親葬之還獲視箴書之謗既詳矯妄因得指
陳願付宰樞示於臺諫閱茲虛罔之狀卽驗中
傷之情臣自以叨備臣隣乃來詆訾不可更塵
重任有玷公朝尋伏私居乞行顯罷伏蒙

皇帝陛下察無他過尚錄舊勤深惟進退之間
必存堂陛之體俾兼美職出守便藩舟楫安流
浹旬受署重念朝廷求治疆鄙僅寧臣內不能
協贊籌帷精講致平之策外不能周旋塞壘力
營預備之謀而乃宴處名城坐尸厚俸庇親自
足臨政少憂於臣身則粗安在臣志則未報敢
不導宣寬詔慰撫編氓米鹽之務必親獄市之
繁無擾士師當黜固枉道以弗爲卽墨免烹諫
毀人之終辨誓稟不渝之操仰酬惟睿之仁

謝轉給事中表

臣某言今月二十七日進奏院遞到勅牒各道
 官告一通伏蒙聖慈授臣給事中仍放朝謝者
 官以歲稽雖存著令賞非功懋曷弭群言引讓
 則取疑於未成受命則不勝其多媿惕焉屢省
 莫知所安中謝伏念臣幸偶聖朝早塵科等常
 恥養高而圖貴近每願竭節以報國家周旋俗
 吏之為激切諫囊之論不虞擯斥蓋恃聰仁以
 至去禁掖而即邊戎捨儒冠而服武弁唯殫千
 慮冀緩憂勞敢有一言輒辭危難逮羌人之迭
 欺承召節以來朝權貳機繁無容懇避愛上之

心愈篤忤時之咎寢彰尚頓

保全許均優逸自

膺淮海之任實居吳粵之任

圍城閉噎殘姦訛固

結既思繩葺必務躬親常

人所非則曰未詳大

體微臣自視可以少贖素

食僅涉再暮幸無治

狀豈謂伏蒙

皇帝陛下擴天地之量錄

日月之勞申舉舊章

進升寵秩拜於瑣闥更

深嚴刺以貊庭重貽

嗤誚敢不動思合道守不

易方惟忠義之所存

在始終而一致期於效死

庶可酬恩臣無任

揚州謝賜曆日

臣某言伏蒙聖慈賜臣
慶曆七年御製崇天萬
年曆一卷者臣聞古諸
侯受天子之朔必藏諸
祖廟日用氣羊之禮告
而行之所以謹王正而
重民事也國家統一區
夏治曆惟精以時頒宣
率土奉順中謝恭惟
皇帝陛下則二儀而並
典協四氣以行令親垂
聖訓布于萬方臣任
公列藩欽承大法敢不敷
明上意以勸境內使
民知龍見日至之次東作
西成之期用洽和平
式符化育臣無任

賀鴻慶宮奏

安三聖御容禮畢表

臣某言伏觀南京鴻慶宮奉安三聖御容禮畢
者商丘之地王業所興乃迹舊規以新原廟圖
三后顛昂之表申四時怵惕之懷熙事克成普
天同抃中謝伏惟

皇帝陛下以唐堯之仁睦親族以虞舜之孝事
祖宗道格至平民知大順而猶慮列聖之游有
所未奉盡物之薦有所未虞經制或隳清衷是
念乃眷別京之重賁開國之基靖館夙嚴粹
容攸宅再謀
備事遵簡約

成德軍謝上表

臣某言伏蒙聖慈就差臣知成德軍府事已於
今月三日到任上訖東藩五月粗舉政條北道
一麾亟更守任以忠則忘奔走之苦以才則誤
寄責之深撫已一思悸汗交集中謝伏念臣從
官素拙立朝至孤獨膺聖知遂玷樞近嚮諧和
郡之逸益懋首公之勤而自滿歲淮南改州汶
上顧日月之未幾亦吏民之頗安弗遑定居
爾易地此蓋伏遇

皇帝陛下軫守方之念推任舊之誠乃眷
之雄實据全趙之勝將帥未明於紀律士卒或
稔於墮驕付以懦庸俾之振葺狡兔未死再圖
獵犬之勞謗虎本無已判市人之安敢不究綏
靖之理裁訓戢之宜塞柝外嚴不忘於備豫邊
囊入奏動審於事機少分宵旰之憂庶有塵露
之益臣無任

定州謝上表

臣某言伏蒙聖慈就差臣充定州路都部署兼
安撫使兼知定州軍州事仍降詔旨不許辭免
已於今月十四日到任上訖竊以中山控邊素

號雄重地形坦易無阪澤之阻先時虜騎入寇
必趨是塗故國家常聚重兵擇名將以制其衝
自約和以來不忘備預至於守帥之任未嘗輕
以屬人然而敝稔於因循兵驕於閑放聖慮經
遠赫然改圖當此之時臣謂宜得文武兼備之
才使撫靖而訓輯之不意猥以及臣臣退自省
度懼不能副朝廷寄責之重避讓莫獲無所措
躬中謝伏念臣徒守朴忠無他績效一辭樞柄
三易郡符兢兢營職苟脫罪咎豈謂伏蒙
皇帝陛下天地之度愛而全之念求舊以惟人

不使人而求備於芘道更制之始首膺選用荷
恩誠厚量力固憂况今狄人講歡務敦大信經
畫之任最爲難處凡百措置不可默然而或必
振頽綱則張皇之沮及遂仍故態則宴安之患
深伏望

皇帝陛下究易調之原察理繩之漸少寬銜策
俾盡驅馳事或建明特加財幸臣敢不外圖扞
蔽中戢營屯動存機慮之先或有萬一之補忘
身狗國此臣夙心臣無任

謝賜禁中銀救濟饑民表

臣某言入內供奉官高懷政齋敕到州伏蒙聖
慈支賜禁中銀五千兩令變轉救濟闕食人民
者天運難測固有流行之災民食弗充上貽宵
旰之慮不責大農之給特疏中禁之財濟此建
荒出乎仁惻中謝臣聞堯水湯旱非政之使然
金穰木饑乃歲有常次故王者能察時難阨閔
俗困虛必裁救恤之宜遂亡捐瘞之苦伏惟
皇帝陛下以憂勤嗣大業以約儉恢永圖德無
遠而不柔惠雖微而必浹宜膺敷錫以格太
疇而涉夏以來苦雨爲沴唯茲北道最失西成

隍深軫於聖懷振廩重侵於經費即馳使指遠
諭宸慈且頒內府之珍以續翳桑之命天之肆
害方不堪其怨咨上所施恩已頓寬於餓殍臣
才非通敏任忝撫綏奉詔札之丁寧痛農疇之
乏絕敢不躬宣睿旨申誠屬封期共極於疲羸
使咸知於愛育臣無任

謝賜詔書獎諭表

臣某言七月二十五日進奏院遞到詔書一道
伏蒙聖慈爲去年河北艱食人戶流亡以臣孽
救特賜獎諭者北土之飢近歲未有非上

之大恩過於天地則民之衆命委諸溝壑顧守
臣之所竭惟君命之是虔忽被詔褒得無愧
中謝伏念臣賦才甚短爲政少通自易塞垣卽
逢水害流庸以死者皆是饘粥而濟者幾何洩
官廩以從權則文符之交矣破郡豪而取辦則
城野之俱空故於賑卹之方務適公私之便其
利博則或時而冒禁所益衆則不敢以愛身職
雖盡勤患且奚救幸遇

皇帝陛下深惟邦本上惻睿慈以斯民未安爲
大憂以經費少侵爲末事德音一發羅倅頽蘇

使傳交馳慰存良厚訖蒙再造盡出至仁而
任忝撫綏歲歷艱厄莫副肝宵之念坐貽尸曠
之羞敢謂聖度兼容宸聰過聽特示璽書之勸
蓋爲邊部之光臣敢不載策駑辱動思獎勗當
此饑災之後更圖安集之宜使閭里之間漸期
復貫則疆垂之下自亦無虞稍脫罪誅茲爲報
塞臣無任

辭免資政殿大學士第一表

臣某言今月二十四日三班借職劉仲舉賚到
官告勅牒各一道伏蒙聖慈授臣依前官資政

殿大學士仍賜對衣金腰帶鞍轡馬者聖人求
舊時則推恩臣子叨榮固宜審分禮當必讓罪
亦何逃中謝伏念臣立于朝廷粗有本末徒以
朴忠而自信不虞世俗之多違自邇清光暨參
密輔出一語則思於助治無一事有涉於進身
寵祿未安每愧焉而懇避艱危所任必奮然而
願行唯聖則知非臣敢妄而况竭來朔塞僅越
歲暮敵可慮而爲策且迂民大歉而所活能幾
上孤寄委日益羞慙豈謂伏蒙

皇帝陛下道貴函容愛深體貌特峻殿宸之職

俾圖疆場之勤雖君賞所加欲示眷懷之厚而
臣功何在豈無廉恥之思伏望

皇帝陛下俯照孤心與全素節亟追成命以協
至公如此則執二柄以御邦無傷勸沮存一心
而報上更誓糜捐其告勅等見令差來使臣收
管聽候指揮干冒宸嚴臣無任

第二表

臣某言近者伏蒙聖恩授臣資政殿大學士尋
上表陳讓今准中書劄子奉聖旨不許辭讓者
賞出無名讓期得請臣誠至激詔意未俞敢再

安陽集卷之三
犯於嚴誅冀必如於素志中謝伏念臣逢辰已
幸圖報且輕苟在上知其用心使得盡力雖終
身處以舊祿固足爲榮况此守邊僅方踰歲都
無績效可副旌疇竊惟河朔之間時乃饑災之
後天之祐聖有意以寤于國家聖以荅天最大
者明乎賞罰儻容叨越是紊經常伏望
皇帝陛下道本無私治先有勸不以一臣之小
愛而傷四海之大公特寢誤恩以符清議使飾
僞者聞風而自沮守道者知分而獲安則疆場
雖勞是甘於白首雪霜更厲不變於丹心其所

賜勅今附遞進納臣無任

謝表

臣某言三班借職劉仲舉賁到官告勅牒各一
道伏蒙聖慈授臣資政殿大學士仍賜對衣金
腰帶鞍轡馬及奉聖旨不許辭讓者賞旣優而
未諭蓋省無勞讓雖至而復當固非獲已惟進
退之難處在斯湏而弗安中謝伏念臣才本無
他志期有立常覽古人之忠義以至於涕零矧
逢真主之聖明是堅於死報山海之大何益犬
馬之誠則然故入贊樞機必乃情於萬務出居

屏翰亦盡力於一方圖富貴豈臣之本心竊祿位是臣之深恥惟茲守塞僅兩踰年徒能革兵之墮驕無以救民之刵敝過爲之慮動則幾於闕踈苟幸其安日可湏於罪黜豈謂伏蒙皇帝陛下天地之度堯舜其仁謂內外雖殊孰差於輕重簪履至賤尚惜於墜遺乃眷舊臣均寵數不圖庸造亦玷褒榮重躋祕殿之聯駭愚儒之守避焉而弗獲其請受焉而莫得其名再叩慈宸則有飾僞背時之謗遂塵美職則有無功冒進之譏與其違衆而取嫌曷若被恩

而思效偃僂承命慙羞在顏臣敢不服夙夜之勤副國家之遇方垂無事奚由奮勇以荅君鼎鑊在前誓不臨危而變節臣無任

謝轉禮部侍郎表

臣某言今月十六日進奏院遞到勅牒一道官告一通蒙聖慈授臣尚書禮部侍郎加食邑五百戶仍放朝謝者禮成合宮澤被率土蓋興久墜之典則有非常之恩凡在庶工皆踰素望中謝恭惟

皇帝陛下法古堯舜致時成康以大孝奉乎祖

宗以至誠答乎天地曠絕之儀罔不講吉蠲之薦罔不躬而猶慮孝有所未申誠有所未達乃訪總章之舊式因路寢之嚴享太微之精兼盡報天地之意配文考之聖參修事祖之勤逮訖明禋亟覃殊慶第錫官師之寵且推福祚之餘而臣竊守邊遐荐罹歲饑駿奔率職既莫助於國容愛利及人曾未寬於上顧不謂均禧之始亦膺進秩之榮當有位之交歡理難獨讓揣無功而自訟內實多慙敢不益勵朴忠勉驅駑駘雖垂效力雖終老以無辭旒宸知臣在殞生而

執報臣無任

謝加觀文殿學士再任表

臣某言今月二十五日姪男太常寺太祝正彥賫到官告勅牒各一道伏蒙聖慈授臣依前行尚書禮部侍郎充觀文殿學士仍令再任及放朝謝者滿歲復留已示寄邊之重議功無實何勝進職之優荷信任則義不可辭拜光寵則愧無容地中謝伏念臣賦性專樸遭時盛明過蒙仁聖之誤知唯恐忠義之不足二垂所效一紀于茲挺然思報於國家倏爾已成於衰病究疆

安陽集卷之二十五
三
場之事幾寢食之俱忘於進取之心固夢寤之
無及矧此中山之會最居北狄之衝自分道而
漸睿圖以非才而叨帥任當兵卒橫驕之後乘
歲時凶歉之餘得不世出之賢猶難訓治使甚
愚者之慮奚足戢安遽越代期分甘公黜豈謂
天蒙

皇帝陛下天無不覆器之使人念考績之踰時
實守方之有法深惟古制莫重久官將垂經遠
之規寢革數遷之敝特申褒典更責後勤仕不
難蓋推誠之所激讓非中理雖冒賞以無嫌

敢不益謹備虞動存綏靖俾吏民之愈信致師
旅之增和生入玉關可謂前人之曠志心居魏
闕不忘踈迹之愛君苟未挂於吏文終有禪於
廟勝臣無任

安陽集卷第二十六

宋司徒太師侍中上柱國尚書令忠獻魏王韓琦著
明少傅兼太子太傅吏部尚書武英殿大學士郭朴校
表狀

辭免武康軍節度使表

臣某言今日日某官實到告勅伏蒙聖慈授臣
武康軍節度使知并州河東路經略安撫使兼
并代等路兵馬都總管者守邊再闋久實何功
申命廣朝寵斯爲誤矧元戎之寄重兼大鹵之
地雄驟付匪才其如清議中謝伏念臣守惟任

拙性不通時徒知忠義之可爲雖在顛危而莫
奪而自奮身西鄙待罪北疆周旋一紀之間勤
苦二垂之事積憂成瘁由壯得衰方欲上叩慈
宸請更便郡庶少全於生理願在備於死官豈
謂伏蒙

皇帝陛下度材之宜惟舊所任念一臨於朔部
適五及於歲暮載惟并晉之區並控羌胡之會
俾專節度仍委撫綏而臣素忝學儒粗能審分
塞防之責既念重而難辭旌越之來豈無勞之
可愛自顧猶是群言可知况今蠻徼未賓王師

致討欲人心之競捷在賞典之惟公伏望

皇帝陛下察寸誠之不欺究二柄之當謹特追
還於使節止就領於帥臺如此則名器不可假
人免騰嗤誚爵祿所以厲世足勸勲能幸知臣
之至明期得請而後已臣無任

第二表

臣某言云云者君恩一出猶恡改於已行臣分
再思願懇陳於當讓終期得請是免愧心中謝
伏念臣早爲書生久服武事豈貪愚有欲於利
盡忠憤不知其方茲臨朔垂再及歲圍務益煩

而雖勉神過用而已疲乃求便安少養衰拙不謂誤膺聖念復責邊勦并土之控二疆敢辭奔命洋川之抗六蠹自省何功較其冒寵之必殃不若避榮而獲戾伏望

皇帝陛下俯矜危懼謂出至誠俾乃帥領之權且觀來效亟寢節施之授以待勞臣敢不强率飛辱愈圖報塞憂邊思職冀盡力於兵間竊位素餐免致譏於天下臣無任

謝表

臣某言二月二十八日樞密院遞到詔書

伏蒙聖慈以臣陳讓武康軍節度使者寵若驚而自視其實何勞讓如僞以雖誠固難俞請荷詔慈之加最顧邊責之匪輕於義莫辭措身無地中謝伏念臣進出孤直知自睿明不敢苟富貴以作身謀唯以報國家而爲己任服西北二疆之事幾光陰一紀之間日有百憂官無寸效不覺寒暄之易變但驚精力之早衰苟乘障以自安亦未免好權之謗欲請藩而少便則涉乎避事之疑夙夜以思進退不可豈謂伏蒙體天法道欽文總武聖神孝德

安陽集卷之二十一
皇帝陛下大度天地至仁陶唐念宿業之且勤
不責人於兼備就易帥臺於并上特加使纛於
洋川荐霈德音促當成命臣竊上循朝意再揣
官宜十稔之前嘗被察廉之寄三垂所次悉專
督護之名今茲節制之行始正營屯之任避焉
莫得愧弗能勝敢不力寃民疵謹修戎律義之
所在知熊掌之難兼命或可捐若鴻毛之甚易
臣無任

并州謝上表

臣某言伏奉制勅授臣武康軍節度使知并州

河東路經畧安撫使已於三月十七日到任
訖國家經畫三垂實最他道置帥大鹵獨控二
疆非有將畧可以摧狄心吏術可以救民瘼或
輕而授固不克勝中謝竊惟晉陽之提封蓋本
唐堯之舊化俗儉而家給土豪而兵勁雖有水
旱之沴而無凍餒之虞自西事之興屯戍茲廣
人疲遠餉戶及橫歛重以和糴積欠而輸窘茲
錢亂法而幣輕故今物力未甚完罪辟日以衆
亭候無驚而兵費猶冗羌胡久附而邊吏或憚
伏惟

皇帝陛下以恩德浸諸夏以威信柔外夷顧茲
一方素號襟要思擇帥守安而治之而臣信道
雖篤應變不長乘障中山徒歷再閏訖無實效
上禪遠圖聖念矜全未賜顯黜復加旄鉞付此
重寄詔旨敦諭弗容避辭臣敢不中夜以興當
食而廢審富庶之良畫較備禦之長筭使編氓
曉悉於上意殊俗震讐於天聲若其報君之大
方則當投死而後已臣無任

乞知相州第一表

臣其言甚高從事獨賢詩人所以興歎不絕

止臣子所以知難今引疾以訴天幸均勞而
可中謝伏念臣天與忠義仕逢聖明常行已存
必至之心謂當時無難了之事期以一身任天
下之責九殞報君上之知見義必爲所冀公家
之可濟其愚莫及不知世務之無涯故茲一紀
之餘更帥三垂之重或過中而食未及口或達
旦而坐不得眠唯憂材力之弗勝上孤眷倚不
顧形神之過用易及衰疲以至思苦傷肝氣留
在脇自中年之俯及覺積痰之易搖比歲以來
乘隙屢作每妄攻而肆毒實無意以求生此者

幸遇

皇帝陛下臨遣國醫診知病本雖萬金樂劑之
羨稍復支離而一道節制之繁誠難終決伏望
皇帝陛下廣天地至仁之造憐簪履舊物之微
知臣以憂職纏痾念臣以過勞至憊許上武康
之節退歸河壘之封深惟冒寵之災身願復亞
卿之舊列使臣釋去重負全養至和訪經而衛
生閱譜而調藥庶二三年之保攝得神幹之復
完則西北邊之重難惟聖意之所在由衷所切
得請是願臣無任

第二表

臣某言臣近以疾病上表乞守前官知相州
次伏蒙聖慈賜詔不允者病質圖安輒露辭煩
之請詔音加恤未垂可奏之恩茲不避於重誅
願再傾於危懇中謝伏念臣早塵科等亟踐禁
聯知忠義可以報君歷艱險未嘗辭命故一紀
之當三路由壯及衰寸心之慮萬端因勞致疾
若匪神猶昏劣事不支持則安忍捨平生盡瘁
之勤掇苟且自容之謗伏望
皇帝陛下大明委照洪覆推仁不令可治之病

遂絕必生之望特還舊秩俾治本邦如此則宿
疹易攻庶未先於犬馬微驅所效復思死於封
疆臣無任

知相州乞罷節越表


臣某言奉勅差知相州仍以臣累表乞守前官
赴任伏蒙聖慈降詔不允已於本月二十三日
到任上訖守邊不可以疾居誠宜引分求郡莫
如於鄉便冀一均勞所祈使鉞之還蓋協帥臺
之罷君仁至厚止易地以推恩臣寵無加遂擁
麾而歸里榮兼今昔義激死生中謝伏念臣自


忝次科則思陳力非微軀獨不自惜幸明主得
其親逢故常奔趨險艱如履平地顧視權利
於浮雲當人之不欲爲則休完難必處事之易
及責則憂患常深志雖不回病已中作尋竊自
忖較其所長人神之勞道焉斯斃天光之蘊定
然後明與其勤死而無成孰若少休而再效爲
慮既審露章不疑幸遇


皇帝陛下德洽普天愛存舊物輟御醫而來視
知賤疾之匪常特徇至誠許辭重寄不奪洋川
之節就更河亶之封踰旬解裝行路無苦遂得

均頒牛酒慰舊老於鄉中羅列旌幢拜先臣於
墓下不徒歎聳於當世實足夸傳於後來臣敢
不論病以體國之宜攻疹以及民之瘼怡然靜
守保于至和苟臥漳沉痼之可疢雖疲未棄則
據鞍矍鑠而思用有急當先誓畢餘生仰酬洪
造臣無任

安陽集卷第二十六







THE UNIVERSITY OF CHICAGO
PRESS